

Ekonomi negara semakin berdaya tahan

→ Program ETP kurangkan kebergantungan pendapatan hasil petroleum

Oleh Haryani Ngah
aryani@bh.com.my

► Kuala Lumpur

Program Transformasi Ekonomi (ETP) yang diperkenalkan Perdana Menteri, Datuk Seri Najib Razak, antara faktor menjadikan Malaysia berjaya mening-



Keadaan itu sekali gus meletakkan Malaysia berada di hadapan berbanding Singapura”

**Kenyataan
Pasukan
Komunikasi
Strategik BN**

katkan daya tahan ekonominya sejak 2009.

Menerusi ETP, Malaysia tidak lagi terlalu bergantung kepada harga komoditi dunia, perdagangan antarabangsa dan pelaburan asing berbanding sebelum itu.

Pencapaian lebih baik

Menurut kenyataan Pasukan Komunikasi Strategik Barisan Nasional (BN), berkata keadaan itu sekali gus meletakkan Malaysia berada di hadapan berbanding Singapura yang sebelum ini menunjukkan pencapaian jauh lebih baik dalam Keluaran Dalam Negara (GDP) walaupun kedua-dua negara berdepan dengan ketidaktentuan ekonomi dan perdagangan global.

“Ekonomi Malaysia berkembang 4.70 peratus (2013), 6.0 peratus (2014),

5.0 peratus (2015), 4.2 peratus (jangkaan 2016) dan 4.0 hingga 5.0 peratus (anggaran 2017) berbanding Singapura 3.9 peratus (2013), 2.9 peratus (2014), 2.10 peratus (2015), 1.4 peratus (jangkaan 2016) dan 1.5 peratus (anggaran 2017),” katanya dalam kenyataan, malam tadi.

Menurut kenyataan itu, apa yang berlaku sekarang adalah sama seperti yang diterangkan PEMANDU beberapa tahun lalu.

Antaranya, faktor pencapaian negara ketika ini adalah dengan mengurangkan kebergantungan pendapatan daripada hasil berkaitan petroleum, dan kejatuhan harga minyak tidak menjejaskan Malaysia berbanding Singapura.

“Kebergantungan Malaysia terhadap pendapatan hasil berkaitan minyak menurun daripada 41.3 peratus

pada tahun 2009 kepada 14 peratus sekarang dan ia adalah satu kejayaan memberangsangkan,” katanya.

Tingkat permintaan domestik

Menurut kenyataan itu, kerajaan juga meningkatkan permintaan domestik menerusi pengagihan pendapatan dan pembangunan kepada ekonomi luar bandar yang secara tradisinya kurang maju dan kurang bergantung kepada perdagangan dunia.

Kerajaan juga memfokuskan kepada usaha meningkatkan pendapatan kumpulan B40 dan mengurangkan ketidakseimbangan pendapatan menerusi pelbagai dasar seperti gaji minimum, dana untuk pembangunan luar bandar dan projek pembangunan untuk ekonomi luar bandar.

UM 17/12